

**REPUBLIKA E SHQIPËRISE**  
**Këshilli i Ministrave**

**V E N D I M**

**Nr. 364, datë 4.5.2011**

**PËR**

**PËRCAKTIMIN E KRITEREVE, TË VLERËS MINIMALE**  
**TË SIPËRFAQES SË ZONËS SË LEJUAR MINERARE DHE TË VLERËS**  
**MINIMALE TË INVESTIMIT E TË PRODHIMIT PËR NJË LEJE**  
**MINERARE**

Në mbështetje të nenit 100 të Kushtetutës dhe të neneve 8, pikat 3 e 8, dhe 56, pika 1, të ligjit nr.10 304, datë 15.7.2010, "Për sektorin minerar në Republikën e Shqipërisë", me propozimin e ministrit të Ekonomisë, Tregtisë dhe Energjetikës, Këshilli i Ministrave

**V E N D O S I:**

1. Përcaktimi i kritereve për vlerën minimale të sipërfaqes të zonës së lejuar minerare dhe për vlerën minimale të investimit për lejet minerare të kërkim - zbulimit ka karakter teknik, ekonomiko - financiar, dhe mbështetet në:
  - a) përcaktimin e sipërfaqeve të mjaftueshme të zonës së lejuar minerare, për gjetjen e rezervave minerare për aktivitete të mëtejshme shfrytëzimi dhe përpunimi të mineralit;
  - b) interesin për llojin e mineralit sipas grupeve të mineralete;
  - c) moscopëtimin e territoreve me strukturë të njëjtë gjeologo - minerare;
  - ç) rregullat teknike të realizimit të aktivitetit të kërkim - zbulimit;
  - d) mundësinë e gjetjes së rezervave të reja minerare;
  - dh) leverdinë ekonomike të prodhimit të produkteve të gatshme për një vendburim të madh, grup vendburimesh të mesëm e të vegjël apo shfaqjesh minerale në një zonë të lejuar të kërkim - zbulimit;

- e) përfshirjen për aktivitet kërkim - zbulimi të kapitaleve të mjaftueshme financiare dhe profesionale;
  - ë) realizimin e investimit në përputhje me objektivat e zhvillimit ekonomik të vendit dhe planifikimin e territorit;
  - f) krijimin e mundësive për rivlerësim të vendburimeve dhe objekteve të njoitura.
- 2 Vlera minimale e sipërfaqes së zonës së lejuar minerare dhe vlera minimale e investimeve për çdo kilometër katror të kësaj zone për lejet e kërkim - zbulimit, sipas grupeve të mineraleve, jepen në aneksin 1, bashkëlidhur këtij vendimi.
- 3 Kriteret për vlerën minimale të sipërfaqes së zonës së lejuar minerare, vlerës minimale të investimit dhe vlerës minimale të prodhimit vjetor për lejet minerare të shfrytëzimit dhe kërkim - zbulim - shfrytëzimit kanë karakter teknik, ekonomiko-financiar, dhe mbështeten në:
- a) përcaktimin e sipërfaqeve të mjaftueshme të zonës së lejuar minerare, për zhvillimin normal të aktiviteteve të shfrytëzimit dhe përpunimit të mineralit;
  - b) kushtet e vendndodhjes, ndërtimin gjeologjik të objektit apo vendburimit;
  - c) parametrat sasiorë dhe cilësori të objektit apo vendburimit, përmasat e trupave minerare apo vendburimit dhe marrëdhëni e tij me elementet e infrastrukturës;
  - ç) rregullat teknike të realizimit të aktivitetit të shfrytëzimit;
  - d) investimet e nevojshme për realizimin e programit të prodhimit dhe të gjitha punimeve e proceseve të nevojshme dhe që kushtëzohen nga kriteret tekniko - minerare;
  - dh) kostot, çmimet, të ardhurat e pritshme dhe leverdinë ekonomike të prodhimit të produkteve të gatshme për një trup minerar apo vendburim të një zone të lejuar minerare;
  - e) përfshirjen për aktivitet shfrytëzimi të kapitaleve të mjaftueshme financiare dhe profesionale;
  - ë) realizimin e investimit në përputhje me objektivat e zhvillimit ekonomik të vendit dhe planifikimin e territorit;
  - f) konkurrueshmërinë e aktivitetit të shfrytëzimit me kushtet e tregut të brendshëm, rajonal apo ndërkombëtar.
4. Vlera minimale e sipërfaqes së zonës së lejuar minerare, vlera minimale e investimeve për realizimin e prodhimit minimal vjetor dhe vlera minimale e prodhimit vjetor për lejet e shfrytëzimit dhe kërkim - zbulim - shfrytëzimit jepen në aneksin 2, bashkëlidhur këtij vendimi.

5. Ngarkohet Ministria e Ekonomisë Tregtisë dhe Energjetikës për zbatimin e këtij vendimi.

Ky vendim hyn në fuqi pas botimit në "Fletoren zyrtare".


K R Y E M I N I S T R I

  
SALI BERISHA

MINISTRI I EKONOMISË, TREGTISË  
DHE ENERGJETIKËS

NASIP NAÇO

Në mungesë dhe me porosi

  
ZËVENDËSMINISTRI  
NERITAN ALIBALLI

## Aneksi 1

Tabela e përcaktiveve për vlerën minimale të sipërsaqes së zonës së lejuar të kërkim–zbulimit dhe vlerën minimale të investimit për çdo kilometër katror të kësaj zone, për lejet e kërkim–zbulimit sipas grupeve të mineraleve.

Nr.	Grupi i mineraleve	Vlera minimale e sipërsaqes së zonës së lejuar të kërkim-zbulimit (km <sup>2</sup> )	Vlera minimale e investimit për çdo km <sup>2</sup> të zonës së lejuar të kërkim - zbulimit	
			Për aktivitetin minerar të kërkimit të mineraleve në periudhën gjatë dy viteve të para të lejes se kërkim-zbulimit (000/euro/ km <sup>2</sup> )	Për aktivitetin minerar të zbulimit të mineraleve dhe kur kërkohet shtyrje afati (000/euro/ km <sup>2</sup> )
1	Grupi i mineraleve metalore, jo metalore, qymyret dhe bitumet	1	20	300
2	Grupi i mineraleve ndërtimore	2	10	100
3	Grupi i mineraleve radioaktive	1	30	400

## Aneksi 2

Tabela e përcaktiveve për vlerën minimale të sipërsaqes së zonës së lejuar të shfrytëzimit ose kërkim-zbulim-shfrytëzimit, vlerën minimale të investimit për realizimin e prodhimit minimal vjetor dhe vlerën minimale të prodhimit vjetor për lejet e shfrytëzimit dhe lejet e kërkim-zbulim-shfrytëzimit sipas grupeve të mineraleve.

Nr	Grupi i mineraleve	Vlera minimale e sipërsaqes së zonës së lejuar të shfrytëzimit ose kërkim-zbulim-shfrytëzimit (km <sup>2</sup> )	Vlera minimale e prodhimit vjetor për lejet e shfrytëzimit ose kërkim-zbulim-shfrytëzimit (Ton/vit ose m <sup>3</sup> /vit)	Vlera minimale e investimeve për realizimin e prodhimit minimal vjetor për lejet e shfrytëzimit ose kërkim-zbulim-shfrytëzimit (000 euro/prodhim minimal vjetor)
1	<b>Grupi i mineraleve metalore, jo metalore, qymyret dhe bitumet</b>			
	a Mineral kromi	0.02	1000 Ton/vit	60
	b Mineral bakri	0.02	10000 Ton/vit	300
	c Mineral FeNi dhe NiSi	0.05	50000 Ton/vit	750
	d Qymyrguri	0.1	20000 Ton/vit	300
	e Të gjithë mineralet e tjerë të këtij grupei	0.01	1000 Ton/vit	300
2	<b>Grupi i mineraleve ndërtimore</b>			
	a Mineralet e këtij grupei, që përdoren si materiale dekorativë	0.02	1000 m <sup>3</sup> /vit	200
	b Mineralet e këtij grupei, që përdoren për prodhim materialesh ndërtimi	0.02	10000 m <sup>3</sup> /vit	150
3	Grupi i mineraleve të çmuar dhe gjysëm të çmuar	0.01	-----	150
4	Grupi i mineraleve radioaktive	Përcaktohet në VKM e çdo leje minerare	Përcaktohet në VKM e çdo leje minerare	Përcaktohet në VKM e çdo leje minerare

NR.PROT.1487/1  
DATË 20.5.2011

MINISTRISË SË EKONOMISË, TREGTISË DHE  
ENERGJETIKËS  
MINISTRISË SË FINANCAVE  
MINISTRISË SË BRENDSHME  
MINISTRISË SË DREJTËSISË  
QENDRËS SË PUBLIKIMEVE ZYRTARE

